

Optužnica KI - RZ - 163/05
od 14.02.2006.

POTVRĐENA DANA 20.02.06

potvrđena u presudi 3, 5, 6, 9
potvrđena u presudi 2, 4, 2, 8

x 163/05/10
(163/05)
14-02-2006

BOSNA I HERCEGOVINA
TUŽILAŠTVO BiH
SARAJEVO
Broj: KT-RZ-163/05
Sarajevo, 14. 02. 2006. godi



SUD BOSNE I HERCEGOVINE
- Sudija za prethodno saslušanje -

PRIMLJENO
dano: 14.02.2006
20. godina
SUD BIH SARAJEVO
Ovlašteni potpis sud.

Na osnovu člana 35. stav 2. tačka (h), 226. stav 1. i 227. Zakona o krivičnom postupku Bosne i Hercegovine („ZKP BiH“) u vezi sa članom 2. stav 1. i 2. Zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima Bosne i Hercegovine („Zakon o ustupanju“), u skladu sa tačkama izmijenjene optužnice Međunarodnog krivičnog suda za bivšu Jugoslaviju br. IT-96-23-PT protiv Gojka Jankovića, te činjenicama navedenim u istoj, podnosim prilagođenu i u odnosu na tačke 1., 2., 4., 7., i 8. proširenu

OPTUŽNICU

Protiv:

Gojka Jankovića, sina Danila i majke Radojke, rođene Salamadija, rođenog 31. oktobra 1954. godine u selu Trbušće u opštini Foča, stalno nastanjenog u Foči u Ulici I.G. Kovačića br. 13, sa posljednjom adresom u selu Trnovača, opština Foča, državljanin Bosne i Hercegovine, Srbin, oženjen, otac troje djece, pismen sa završenom srednjom školom, ranije neosuđivan, vojni rok odslužio u Kraljevu 1973. godine, sa činom poručnika, odlikovan ordenom „Miloš Obilić“ 1993. godine, JMB 3110954131530, koji se predao vlastima Republike Srpske 13. marta 2005. godine, nakon čega je 14. marta 2005. godine prebačen u MKSJ, a potom 8. decembra 2005. godine u Pritvorsku jedinicu Suda BiH, gdje se trenutno nalazi u pritvoru.

Zbog toga što je :

U periodu između aprila 1992. godine i februara 1993. godine, na području opštine Foča, kao vođa paravojne grupe djelujući u koordinaciji sa Fočanskom brigadom, Vojske Srpske Republike Bosne i Hercegovine (u

daljem tekstu "Vojska"), učestvovao u širokom ili sistematskom napadu Vojske, policije i paravojskih formacija na nesrpsko civilno stanovništvo na širem području opštine Foča, kada su ti civili postepeno zarobljavani, fizički zlostavljani i ubijani u tom napadu, razdvajani prema spolu i zatvarani u nekoliko objekata uključujući Kazneno popravni dom u Foči, u kojem su zatvarani muškarci, te Buk Bijelu, Srednjoškolski centar u Foči, Sportsku dvoranu Partizan, kuću u Ulici Osmana Dikića br.16, kuću u Miljevini poznatu kao Karamanova kuća, kuću u Trnovači i druga mjesta gdje su žene i djevojke držane u teškim uslovima i gdje su bile izložene fizičkom, psihičkom i seksualnom nasilju od strane lica koji su ih zarobili, dok su muslimanske kuće i stanovi u Foči i susjednim opštinama pljačkani, uništavani i spaljivani kako je dole preciznije navedeno:

1. Dana 14.04.1992. godine optuženi Gojko Janković komandovao je grupom vojnika koja je napala zaseok Brežine u kojim su živjeli civili muslimanske nacionalnosti, naredivši grupi kojom je komandovao otvaranje vatre iz pješadijskog oružja po njihovim kućama, nakon čega su uhapšeni [REDAKTIRANO] i drugi, koji su potom prisilno odvedeni u zatočeništvo u Brod, gdje su ispitivani i pretučeni, a potom sprovedeni u logor KPD u Foči.
2. Dana 3. jula 1992. godine Gojko Janković je komandovao grupom od najmanje dvadeset vojnika, koja je izvršila napad na muslimansko civilno stanovništvo koje se krilo u šumi na brdu Kremenik, pri kom napadu su neki od njih ranjeni, a neki ubijeni uključujući [REDAKTIRANO] te zarobili najmanje 30 žena i djece i sedam muškaraca i to: [REDAKTIRANO] ovi zarobljenici, posebno muškarci su ispitivani i brutalno pretučeni, a zatim izvedeni na jednu čistinu gdje ih je čekao Gojko Janković, premlaćivanje je nastavljeno, a onda su žene odvedene, dok su Gojko Janković i još nekoliko njegovih vojnika ostali sa sedmoricom zarobljenika, koji su potom iz vatrenog oružja pucali u njih, usljed čega su im nanesene prostrjelne rane pretežno u predjelu glave i to: [REDAKTIRANO] razaranje kostiju krova glave i baze lobanje, [REDAKTIRANO] prelom kostiju glave i baze lobanje, gornje i donje vilice desne nadlaktice, desne lopatice, desne butne kosti, [REDAKTIRANO] razaranje kostiju krova glave i baze lobanje gornje vilice, desne butne kosti, desne ključne kosti, desne stidne kosti kao i zastrjel glavice desne nadlaktice, [REDAKTIRANO] razaranje krova i baze lobanje, [REDAKTIRANO] prelom kostiju i baze

lobanje, [REDAKCIJA] povreda glave sa prijelomima kostiju lobanje i [REDAKCIJA] povreda glave prijeloma sljepoočno-tjemene kosti sa lijeve strane, što je za posljedicu imalo smrt svih sedam zarobljenih muškaraca, a sva ta djela su dio učešća Gojka Jankovića u napadu širih razmjera na sela Trošanji i Mješajci koji su tog dana počinjeni od strane vojske, što je za posljedicu imalo ubistva muslimanskih civila i pustošenje i spaljivanje njihovih kuća.

3. Istoga dana zarobljene žene i djeca su prisiljeni su da u pratnji nekoliko vojnika Gojka Jankovića pješake do Buk Bijele, privremenog centra za zatvaranje i ispitivanje, a optuženi Gojko Janković je sa ostatkom svoje grupe tamo stigao nešto kasnije, gdje su ispitivali zarobljene žene, pa je optuženi zajedno sa Draganom Zelenovićem ispitivao zatočenicu FWS-75 i Gojko Janković joj je prijetio da će biti grupno silovana, a potom ubijena ukoliko ne bude govorila istinu, nakon čega je omogućio jednom vojniku da tu zatočenicu odvede u drugu baraku gdje ju je silovao najmanje 10 neidentifikovanih vojnika, usljed čega je ona izgubila svijest, a zatim su Dragan Zelenović i Vaso Miletić zajedno sa još dva neidentifikovana vojnika, koji su svi bili pod efektivnom kontrolom Gojka Jankovića, ispitivali petnaestogodišnju FWS-87, da bi je potom pretukli, a zatim sva četvorica silovali, od kojih posljedica je ova zatočenica imala žestoke bolove i obilno vaginalno krvarenje, Janko Janjić, koji je takođe bio pod efektivnog kontrolom Gojka Jankovića, je u jednoj od soba u Buk Bijeloj, ispitivao i fizički zlostavljao zatočenicu FWS-48, prijeteći da će dovesti još 10 vojnika ako mu se bude opirala, nakon čega ju je dva puta silovao, da bi potom odveo zatočenicu FWS-74 u jednu sobu naređvši joj da skinje odjeću, a potom ju je neidentifikovani vojnik, koji je tamo čekao, vaginalno silovao.

4. Istoga dana, nekoliko vojnika koji su bili pod komandom optuženog Gojka Jankovića su zarobljenog starijeg muškarca [REDAKCIJA] iz sela Trošanji, doveli ispred baraka u Buk Bijeloj, gdje su ga tukli, a ostali zatočenicima i sam optuženi Gojko Janković su mogli su čuti njegove jauke, a zatim su ga odveli blizu obale rijeke Drine i ubili ga hicima iz vatrenog oružja.

5. U periodu od 3. do 13. jula 1992. godine, nakon što su pripadnici vojske, policije i paravojnih formacija zatočili brojne civile u dvije učionice Srednjoškolskog centra u Foči, među kojima su se nalazili i civili koji su prethodno bili zatočeni u Buk Bijeloj, optuženi Gojko Janković je bar jedanput izvodio zatočenicu FWS-95 u druge učionice škole gdje ju je silovao.

6. U periodu od 13.7. do 13.8.1992. godine u Sportskoj dvorani „Partizan“ u Foči, gdje su brojni muslimanski civili, uključujući i zatočenice FWS-87, FWS-95, FWS-48, FWS-105 i FWS-50, bili držani u nehumanim uslovima:

- optuženi Gojko Janković je u tom periodu silovao zatočenicu FWS-87, jednom ili u više navrata, te je ona zbog tog i mnogih drugih silovanja i seksualnih zlostavljanja, koja su nad njom izvršena, postala suicidalna, optuženi Gojko Janković je u tom periodu također silovao zatočenicu FWS-95 jednom ili u više navrata;
- dana 15. jula 1992. godine ili približno tog datuma, optuženi Gojko Janković je odveo zatočenicu FWS-48 u jednu muslimansku kuću u naselje Aladža opština Foča, u kojoj je bilo oko 20 vojnika, među kojima i Dragan Zelenović, a omogućio je Draganu Zelenoviću da je siluje koji joj je istovremeno prijetio da će je zaklati, nakon čega su je silovala još sedmorica vojnika, među kojima je bio i Zoran Vuković koji joj je tom prilikom nanio teške tjelesne povrede usljed kojih se zatočenica onesvjestila;
- dana 18.07.1992. godine ili približno tog datuma, optuženi Gojko Janković odveo je zatočenice FWS-48, FWS-95 i FWS-105 u jednu kuću u blizini autobuske stanice u Foči, te ih predao Dragoljubu Kunarcu, koji je potom odveo FWS-48 u drugu kuću gdje ju je silovao;
- dana 12.08.1992. godine optuženi Gojko Janković zajedno sa Draganom Zelenovićem odveo je zatočenice FWS-48, FWS-95 i još jednu ženu u jednu kuću u Donjem Polju u opštini Foča, gdje je Dragan Zelenović dva puta silovao zatočenicu FWS-48.;

7. Neutvrđenog dana u julu mjesecu ili početkom augusta 1992. godine, optuženi Gojko Janković zajedno sa Bebanom Vasiljevićem odveo je zatočenice FWS-105 i ■■■. iz zatočeničkog centra Sportske dvorane „Partizan“ u jednu kuću u selu Trnovača u opštini Foča, gdje je optuženi Gojko Janković cijelu noć proveo sa zatočenicom FWS-105 silovavši je dva puta, a Beban Vasiljević je silovao zatočenicu ■■■. da bi ih ujutro Beban Vasiljević, po naredbi optuženog, vratio u zatočenički centar „Partizan“.

8. Dana 02.08.1992. godine Gojko Janković zajedno sa Dragoljubom Kunarcem i Dragutinom Vukovićem zvanim "Gaga" izveo je iz kuće u ulici Osmana Đikića broj 16 u Foči, gdje su bile zatočene maloljetnice FWS-186, FWS-191 i [REDACTED], i odveo ih u jednu privatnu kuću u selu Trnovača, koju je koristio Gojko Janković, gdje je zatočenica [REDACTED] ostala samo nekoliko dana, ali zatočenice FWS-186 i FWS-191 su tu držane do 23. januara 1993. godine i tokom cijelog tog perioda Gojko Janković je silovao zatočenicu FWS-186, Dragoljub Kunarac je u toku prva dva mjeseca silovao zatočenicu FWS-191, a Gojko Janković je također u tom periodu jedanput silovao zatočenicu FWS-191, a kada su zatočenice FWS-186 i FWS-191 prebačene u drugi stan u januaru 1993. godine Gojko Janković je tu nastavio da siluje zatočenicu FWS-186 do 25. novembra 1993. godine; Gojko Janković i Dragoljub Kunarac su koristili zatočenice FWS-186 i FWS-191 kao seksualno roblje i kao roblje za druge svrhe u kući u Trnovači, tretirajući ih kao stvari i ličnu imovinu i imajući potpunu kontrolu nad njihovim životima, a Gojko Janković je objema zabranio da koriste svoja prava imena tjerajući ih da se odazivaju na nemuslimanska imena kao i u nekoliko navrata da jedu svinjetinu.

9. Krajem oktobra ili početkom novembra mjeseca 1992. godine, optuženi Gojko Janković zajedno sa Draganom Zelenovićem i Jankom Janjićem iz zatočeničkog centra poznatog kao "Karamanova kuća" u Miljevini, izveo je zatočenice FWS-75, FWS-87, [REDACTED] i dvanaestogodišnju [REDACTED], nakon čega su ih autom odveli u jedan stan u Foči, u blizini ribljeg restorana, gdje je Janko Janjić naredio zatočenicama FWS-75 i [REDACTED] da okupaju optuženog Gojka Jankovića, koji je potom u kupatilu silovao zatočenicu malodobnu [REDACTED], nakon čega je istu veče silovao i zatočenicu [REDACTED], dok je Dragan Zelenović silovao zatočenicu FWS-87, Janko Janjić zatočenicu FWS-75, da bi ih potom sutradan razmjestili po stanovima u Foči, u kojima su iste bile seksualno zlostavljane od strane nepoznatih vojnika.

Dakle, kako je gore opisano, u sklopu širokog ili sistematičnog napada usmjerenog protiv civilnog stanovništva na području opštine Foča, znajući za takav napad i učestvujući u njemu, te znajući da je svojim radnjama učestvovao u istom, tako što je naređivao, činio ili pomagao ili podsticao; odnosno na osnovu odgovornosti nadređenog u okviru koje su djela počinjena od strane njegovih podređenih nad kojima je imao potpunu kontrolu, kada je znao ili je mogao znati da se njegovi podređeni, spremaju počiniti ili da su počinili ta djela, a propustio je da preduzme nužne i

razumne mjere da spriječi ili kazni počinioca istih; odgovoran je za zatvaranje i prisilno premještanje civila iz zaseoka Brežine, mučenje, prisilno premještanje i ubistva civila iz sela Trošanji i Mešaja na Kremeniku, silovanje i mučenje zatočenica FWS-48, FWS-74, FWS-75 i FWS-87 i ubistvo i mučenje u Buk Bijeloj, mučenje i silovanje zatočenice FWS-95 u Srednjoškolskom centru u Foči, silovanje i mučenje u Partizanu, Trnovači ili na drugim mjestima zatočenica FWS-48, FWS-75, FWS-87, FWS-95, FWS-105, FWS-186, FWS-191, [REDACTED] te porobljavanje zatočenica FWS-186, FWS-191 i [REDACTED]

Čime je počinio krivično djelo

Zločin protiv čovječnosti iz člana 172. stav 1. Krivičnog zakona Bosne i Hercegovine i to:

1. tačke d) i e) u odnosu na tačku 1. optužnice
2. tačke a) i d) f) u odnosu na tačku 2. optužnice
3. tačke f) i g) u odnosu na tačku 3. optužnice
4. tačka a) i f) u odnosu na tačku 4. optužnice
5. tačka f) i g) u odnosu na tačku 5. optužnice
6. tačke f) i g) u odnosu na tačku 6. optužnice
7. tačka f) i g) u odnosu na tačku 7. optužnice
8. tačka c), f) i g) u odnosu na tačku 8. optužnice
9. tačka f) i g) u odnosu na tačku 9. optužnice

sve u vezi sa članom 180. stav 1. Krivičnog zakona BiH i članom 180. stav 2. u odnosu na tačke 1., 2., 3., i 4., optužnice.

Stoga,

predlažem da Sud

I) Da zakaže i održi glavni pretres na koga treba pozvati.

- Tužioca Tužilaštva BiH
- Optuženog, Gojka Jankovića, koji se trenutno nalazi u Pritvorskoj jedinici Suda BiH;
- Miodraga Stojanovića, advokata iz Bijeljine, brmitelja optuženog

II) Da se provedu sljedeći dokazi:

a) Da se kao svjedoci saslušaju:

1. A
2. B
3. ██████████
4. FWS 74
5. FWS 87
6. FWS 96
7. FWS 75
8. FWS 88
9. ███.
10. FWS 105
11. FWS 95
12. FWS 186
13. FWS 191
14. FWS 33
15. FWS 51
16. FWS 132
17. FWS 175

18. FWS 190

19. FWS 192

20. [REDACTED]

21. C

22. D

23. [REDACTED]

[REDACTED]
[REDACTED]
[REDACTED] ovim svjedocima dodijeljene zaštitne mjere odlukom MKSJ i
Suda BiH. [REDACTED]
[REDACTED]
[REDACTED]

b) Da se izvrši uvid u sljedeće dokaze:

24. Zapisnik sa salušanja Gojka Jankovića, br. KT-RZ-163/05 od 2. februara 2006. godine koje je obavljeno u prostorijama Tužilaštva BiH;
25. Optužnicu MKSJ protiv Gojka Jankovića;
26. Pravosnažnu presudu Pretresnog vijeća MKSJ u predmetu protiv Dragoljuba Kunarca i ostalih, br. IT-96-23-T i IT-96-23/1-T od 22. februara 2001. godine;
27. Presudu Žalbenog vijeća MKSJ u predmetu protiv Dragoljuba Kunarca i ostalih, br. IT-96-23-T i IT-96-23/1-T od 12. juna 2001. godine;
28. Dopis kojim se predlaže imenovanje Gojka Jankovića za "Vojvodu", br. 01/705-1, od 13. augusta 1993. godine;
29. Spisak vojnih i civilnih vlasti u Foči;

43. CBS video pod nazivom "In Plain Sight", koji je načinio Randall Joyce;
44. Foto dokumentacija koju je prikupila SIPA dana 31. januara 2006. godine;
45. Dopis Policijske stanice u Foči br. 13-1-8/02-2-230-3547/04 od 31. januara 2005. godine, koje sadrži zvanične podatke u vezi sa krivičnim dosjeom i ličnim podacima Gojka Jankovića.

Rezultati istrage

Nakon istrage koju je provelo Tužilaštvo MKSJ i nakon što je MKSJ potvrdio izmijenjenu optužnice protiv optuženog Gojka Jankovića, ustanovljeno je da postoji osnovana sumnja da je optuženi Gojko Janković, odgovoran za krivična djela zločina protiv čovječnosti iz člana 172. (1) a), c), d), e), f), i g) u vezi sa članom 180. (1) i (2) Krivičnog zakona BiH. Dokazi koji potkrepljuju ove optužbe prvenstveno potiču od [REDACTED] [REDACTED] direktne žrtve ili svjedoke o činjenicama koje potkrepljuju navode optužbe za koje se tereti. U postupku prilagođavanja optužnice i ispitivanja novih svjedoka prikupljeni su dokazi da je Gojko Janković naredio ili počinio ili na osnovu odgovornosti nadređenog počinio nezakonito premještanje civila iz Brežina i da je pomagao i podsticao njihovo zatvaranje, naredio, počinio, pomagao i podsticao ili u okviru odgovornosti nadređenog počinio mučenje, ubijanje i nasilno premještanje civila na brdu Kremenik i ubistvo i mučenje u Buk Bijeloj, te silovanje zatočenica [REDACTED] kao i pomaganje i podsticanje silovanja zatočenica [REDACTED] kao i porobljavanje zatočenica [REDACTED], krivičnih djela koji su detaljno opisani u prethodnim stavovima. U prilogu su izjave koje su oštećene strane ili drugi svjedoci dali ovom Tužilaštvu u mjeri u kojoj potkrepljuju dodatne optužbe. Optužnica MKSJ je osnova za sve dodatne dokaze koji potkrepljuju ove optužbe.

Materijali koji potkrepljuju navode iz optužnice

1. Izjava zaštićenog svjedoka A, od 15. augusta 2005. godine;
2. Izjava zaštićenog svjedoka A, od 4. januara 2006. godine;

3. Izjava zaštićenog svjedoka B, od 10. augusta 2005. godine;
4. Izjava zaštićenog svjedoka B, od 6. januara 2006. godine;
5. Izjava svjedoka ██████████, od 23. augusta 2005. godine;
6. Izjava svjedoka ██████████, od 6. januara 2006. godine;
7. Izjava zaštićenog svjedoka FWS-74, od 15. novembra 1995. godine;
8. Izjava zaštićenog svjedoka FWS-87, od 20. januara 1996. godine;
9. Izjava zaštićenog svjedoka FWS-87, od 5. decembra 2003. godine;
10. Izjava zaštićenog svjedoka FWS-96, od 13. februara 1996. godine;
11. Izjava zaštićenog svjedoka FWS-75, od 18. novembra 1995. godine;
12. Izjava zaštićenog svjedoka FWS-75, od 6. marta 1998. godine;
13. Izjava zaštićenog svjedoka FWS-75, od 22. oktobra 2003. godine;
14. Izjava zaštićenog svjedoka FWS-75, od 30. decembra 2005. godine;
15. Izjava zaštićenog svjedoka FWS-88, od 21. januara 1996. godine;
16. Izjava zaštićenog svjedoka ██████, od 22. marta 2000. godine;
17. Izjava zaštićenog svjedoka ██████, od 6. decembra 2003. godine;
18. Izjava zaštićenog svjedoka FWS-48, od 9. septembra 1995. godine;
19. Izjava zaštićenog svjedoka FWS-105, od 11. februara 1996. godine;
20. Izjava zaštićenog svjedoka FWS-105, od 16. januara 2005. godine;
21. Izjava zaštićenog svjedoka FWS-95, od 11. februara 1996. godine;
22. Izjava zaštićenog svjedoka FWS-186, od 9. maja 1998. godine;
23. Izjava zaštićenog svjedoka FWS-191, od 23. septembra 1998. godine;
24. Izjava zaštićenog svjedoka FWS-191, od 15. juna 1998. godine;
25. Izjava zaštićenog svjedoka FWS-33, od 5. jula 1995. godine;
26. Izjava zaštićenog svjedoka FWS-51, od 5. septembra 1995. godine;
27. Izjava zaštićenog svjedoka FWS-132, od 14. juna 1996. godine;
28. Izjava zaštićenog svjedoka FWS-175, od 21. augusta 1997. godine;
29. Izjava zaštićenog svjedoka FWS-190, od 8. juna 1998. godine;

45. Transkript intervjua sa ██████████;
46. Informativni izvještaj o aktivnostima policijske stanice u Srbiju u periodu od aprila 1992. to aprila 1994. godine, od juna 1994. godine;
47. Dio iz izvještaja Helsinki Watch-a pod nazivom "Ratni zločini u Bosni i Hercegovini", od aprila 1993. godine;
48. Video zapis BBC Panorama o zločinima u Foči;
49. Indeks foto dokumentacije prikupljene od strane istražitelja MKSJ, R. Schouten iz jula 1996. godine (Sportska dvorana Partizan, Karamanova kuća, kuća u Ulici Osmana Đikića 16, Ribarski Dom, stanovi kompleksa Lepa Brena, Srednjoškolski centar u Foči, kuća u Trnovači);
50. Indeks koji sadrži 7 karti Foče;
51. Državni zavod za statistiku Republike Bosne i Hercegovine, Nacionalni sastav stanovništva, rezultati za Republiku po opštinama i naseljenim mjestima 1991. godine;
52. Dopis Federalne komisije za nestale osobe u vezi sa ekshumacijom obavljenom u Trošnju dana 2. jula 2001. godine, br. 01-41-55/2006, od 13. januara 2006. godine;
53. Zapisnik o ekshumaciji obavljenoj od strane Kantonalnog suda u Sarajevu, u Trošnju dana 2. jula 2001. godine br. KRi-151/01, KRi 141/01, Kri-152/01 i Kri 139/01, od 2. jula 2001. godine;
54. CBS video pod nazivom "In Plain Sight", koji je načinio Randall Joyce;
55. Foto dokumentacija koju je prikupila SIPA dana 31. januara 2006. godine;

56. Dopis Policijske stanice u Foči br. 13-1-8/02-2-230-3547/04 od 31. januara 2005. godine, koje sadrži zvanične podatke u vezi sa krivičnim dosjecom i ličnim podacima Gojka Jankovića;
57. CD-ovi koji sadrže audio zapise sa svjedočenja sljedećih svjedok: FWS-96, ■■■■■, FWS-105, FWS-95, FWS-186, FWS-191, FWS-51, FWS-190, FWS-192.

Prijedlog za određivanje mjere pritvora nakon prilagođene i potvrđene optužnice

Na osnovu rezultata istrage provedene od strane MKSJ i Tužilaštva BiH, te na osnovu Prve izmijenjene optužnice protiv optuženog Gojka Jankovića, potvrđene od strane MKSJ, postoji osnovana sumnja da je on počinio krivična djela za koja se tereti. Rješenjem sudije za prethodno saslušanje Suda BiH, br. X-KRO-05/161, od 8. decembra 2005. godine, odlučeno je da Zahjev za pritvor Gojka Jankovića donesen od strane MKSJ dana 17. marta 2005. godine u predmetu IT-96-23/2 ostane na snazi dok Sud BiH ne prihvati optužnicu Tužilaštva BiH, kao i ne odluči da li će potvrditi optužnicu u odnosu na nove tačke ili nove optužene osobe. Sud je Tužilaštvu BiH odredio rok od 65 dana počev od ponedjeljka 12. decembra 2005. godine za prilagođavanje optužnice kao i za dodavanje novih tačaka, ako bude potrebno. Tužilaštvo BiH je na osnovu navedenog rješenja u obavezi da se istekom navedenog roka izjasni i o mjeri pritvora.

Tužilaštvo BiH na osnovu člana 227. stav 3. i 137. stav 1. ZKP BiH predlaže da se prema optuženom Gojku Jankoviću nakon prilagođavanja i potvrđivanja optužnice produži pritvor predviđen članom 132. stav 1. tačke a), b) i d) ZKP BiH.

Kada je riječ o zakonskom osnovu za pritvor propisanom u članu 132. stav 1. tačka a) ZKP BiH naglašavamo da se optuženi Gojko Janković predao Tribunalu nakon skoro devet godina od podizanje optužnice, a njegova predaja je bila rezultat dugogodišnjih unuštarskih i međunarodnih pritisaka na vlasti Republike Srpske da učine više napora u lišavanju slobode osumnjičenih za ratne zločine koji se nalaze na njenoj teritoriji, a u cilju potpunije saradnje sa Tribunalom. Ovi argumenti su, između ostalih, predstavljali razloge za donošenje odluke MKSJ kojom je odbijen zahtjev za

puštanje optuženog da se brani za slobode. Optuženi Gojko Janković se tokom postupka za preuzimanje predmeta energično protivio ustupanju ovog predmeta Tužilaštvu Bosne i Hercegovine tvrdeći da mu pred Sudom BiH neće biti omogućeno pravično i nepristrasno suđenje. Posebno se treba imati u vidu izjava optuženog u podnesku od 19.05.2005. godine u kojoj optuženi tvrdi da ispunjava uslove za dobijanja državljanstva Srbije i Crne Gore gdje je optuženi bio zaposlen i gdje ima bliske kontakte. Iz prednjih navoda može se zaključiti da postoje okolnosti i realna bojazan da se optuženi, u slučaju eventualnog puštanja na slobodu, ne bi dobrovoljno odazvao pozivima Suda Bosne i Hercegovine, te da bi lako mogao preći u Srbiju i Crnu Goru i tako postati nedostupan Sudu BiH u toku ovog krivičnog postupka, pa stoga Tužilaštvo BiH smatra da postoji razlog za pritvor na osnovu člana 132. stav 1. tačka a) ZKP BiH.

Tužilaštvo BiH dalje smatra da postoje razlozi za pritvor na osnovu člana 132. stav 1. tačka b) ZKP BiH iz razloga jer postoji osnavana bojazan da bi optuženi ukoliko bude pušten iz pritvora mogao ometati postupak uticajem na svjedoke. S tim u vezi Tužilaštvo BiH ističe da se optužnica u najvećem dijelu zasniva na [REDACTED]

[REDACTED] te bi u slučaju puštanja na slobodu optuženi mogao lako izvršiti uticaj na ove svjedoke, kao i stupiti u kontakt sa ostalim saizvršiocima od kojih su neki još uvijek na slobodi i na taj način ometati dalje vođenje ovog krivičnog postupka. Neophodno je pomenuti i činjenicu da je i Tribunal razmatrao prijetnju koju bi za svjedoke-žrtve predstavljao optuženi ukoliko bi se nalazio na slobodi usljed čega je odložio otkrivanje identiteta nekoliko svjedoka u predmetu Kunarac.

Takođe, Tužilaštvo BiH zapaža da je mjera pritvora prema optuženom Gojku Jankoviću neophodna i iz razloga predviđenih članom 132. stav. 1. tačka d), ZKP BiH obzirom da se optuženi tereti za krivično djelo Zločina protiv čovječnosti iz člana 172. KZ BiH za koje krivično djelo je propisana kazna zatvora najmanje deset godina ili dugotrajni zatvor. Imajući u vidu težinu djela kao i posljedice istog, a naročito da se radi o radnjama sistematskog porobljavanja i silovanja [REDACTED] te izraženo konstantno nanošenje psihičkih i fizičkih patnji što je za posledicu imalo teške traume, a za neke od njih i tragičan ishod, te

uništenju mladosti kod istih i nanošenju teških patnji porodicama žrtava, bližim i daljim srođnicima, [REDACTED]

[REDACTED] - Z
 tog razloga, a na osnovu člana 132. stav. 1. tačka d) ZKP BiH mjera pritvora bi bila neophodna kako bi se sačuvala sigurnost građana.

S obzirom na naprijed navedeno, Tužilaštvo BiH predlaže da sudija za predhodno saslušanje Suda BiH na osnovu člana 2. stav 1. Zakona o ustupanju prihvati tačke 3., 5., 6. i 9. ove prilagođene optužnice Tužilaštva MKSJ, a u skladu sa članom 2. stav 2. istog zakona i člana 228. stav 1. ZKP BiH potvrdi tačke 1., 2., 4., 7. i 8. jer se radi o novim tačkama optužnice.

